

Landbúnaðarnefnd



Langanesbyggð

Stjórnskipuleg staða

Nefndin heyrir beint undir sveitarstjórn og fer með verkefni landbúnaðarmála samkvæmt lögum og reglugerðum þar um ásamt þeim verkefnum sem henni eru falin samkvæmt samþykktum.

Skipan nefndarinnar

Í landbúnaðarnefnd eiga sæti 5 fulltrúar, sem sveitarstjórn kýs til fjögurra ára, að afloknum sveitarstjórnarkosningum, samkvæmt ákvæðum sveitarstjórnarlaga og samþykktar um stjórn sveitarfélagsins Langanesbyggðar. Á sama hátt eru kjörnir 5 fulltrúar til vara. Sveitarstjórn Langanesbyggðar kýs formann nefndarinnar en á fyrst fundi hennar kýs nefndin sér sjálf varaformann.

Auk kjörinna nefndarmanna á sveitarstjóri rétt á að sitja fundi nefndarinnar með málfrelsi og tillögurétt. Þá er nefndinni heimilt að kalla til sín sérhvern þann er tengist þeim málefnum sem nefndin fjallar um hverju sinni.

Hlutverk

Hlutverk landbúnaðarnefndar er að fara með landbúnaðarmál samkvæmt lögum og reglugerðum sem kunna að gilda um viðfangsefni hennar. Nefndin hefur eingöngu heimild til þess að stofna til útgjalda sem þegar eru að finna í gildandi fjárhagsáætlun sveitarfélagsins hverju sinni. Aðrar útgjaldatillögur skal leggja fyrir sveitarstjórn í formi sérstaks erindis sem tekið er til afgreiðslu á fundi nefndarinnar og fært í fundargerð og öðlast þær ekki gildi fyrr en með samþykkt sveitarstjórnar. Nefndin gerir tillögur til sveitarstjórnar og meðal hlutverka hennar er:

- Að fara með málefni landbúnaðar í Langanesbyggð
- Að gera tillögu að stefnu í landbúnaðarmálum í Langanesbyggð
- Að vera umsagnaraðili með landnýtingu í sveitarfélaginu
- Að fjalla um legu reiðstíga og gera tillögu að forgangsröðun þeirra
- Að fjalla um þau mál sem sveitarstjórn felur nefndinni hverju sinni.
- Að fjalla um eyðingu refa, minka og vargfugls í Langanesbyggð
- Að vera ráðgefandi fyrir Fjallskilastjóra Langanesbyggðar um stjórn og umsjón með fjallskilamálum í Langanesbyggð.

- Að yfirfara drög að fjárhagsáætlun vegna þeirra málaflokka sem undir starfssvið nefndarinnar heyrir og eftir atvikum koma með tillögur að breytingum

Nefndin skal leitast við að ná því grundvallarmarkmiði að tryggja að ákvarðanir hennar og athafnir séu ávallt í þágu allra íbúa sveitarfélagsins og að fulltrúar í nefndinni setji ávallt almannahagsmuni ofar öðrum hagsmunum.

Starfshættir

Um starfshætti nefnda er sérstaklega getið í samþykktum um stjórn sveitarfélagsins Langanesbyggðar og skal þeim fylgt þar sem við á s.s. um boðun funda, fundargerðir, stjórn á fundum, fundarsköp o.fl.

Landbúnaðarnefnd kemur saman fyrir luktum dyrum á fastákveðnum fundartíma. Skal nefndin gera samþykkt um fundartíma á fyrsta fundi sínum. Skyld er að boða til fundar ef meirihluti aðalmanna nefndarinnar krefst þess. Nefndin skal að jafnaði funda eigi sjaldnar en átta sinnum á ári.

Formaður sér um boðun funda í samráði við sveitarskrifstofu. Fundarboðun skal vera skrifleg og tilgreina fundarstað, tíma og dagskrá. Fundarboð skal sent öllum fulltrúum og öðrum sem seturétt hafa á fundinum eigi síðar en tveimur sólarhringum fyrir fund. Aukafund má boða með sólarhrings fyrirvara. Nefndinni er heimilt að ákveða að fundirnir verði boðaðir með rafrænum hætti. Fundur telst ályktunarhæfur ef meirihluti kjörinna nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu.

Formaður nefndarinnar skal halda sveitarstjóra upplýstum um störf nefndarinnar.

Eftirfylgni

Formaður landbúnaðarnefndar skal snúa sér til sveitarstjóra með eftirfylgni staðfesta samþykktu nefndarinnar sem sér um að ákvarðanir sem teknar eru af hálfu sveitarstjórnar komist til framkvæmda.

Réttindi og skyldur fulltrúa

Um réttindi og skyldur fulltrúa í landbúnaðarnefnd gilda ákvæði sveitarstjórnarlaga og samþykktar um stjórn sveitarfélagsins Langanesbyggðar, eftir atvikum, s.s. til að mynda með vísan til IV. kafla í samþykkt sveitarfélagsins um réttindi og skyldur sveitarstjórnarmanna.

Lög og reglugerðir

Í störfum sínum skal nefndin taka mið af þeim lögum og reglugerðum sem gilda um starfssvið hennar. Þá skal nefndin fylgja sveitarstjórnarlögum og samþykktum um stjórn sveitarfélagsins Langanesbyggðar eins og þau eru á hverjum tíma.

Samþykkt í sveitarstjórn Langanesbyggðar **12. maí 2015**

Elías Pétursson
sveitarstjóri